



Hoërskool Porterville

Kleinskooltjie-prospektus



Grondslagfase

Gr. 1 - 3

2020

Welkom

God het jou geskape
om enig in jou soort te wees.


Daar is niemand soos jy nie!

Jy kan sommige dinge
regtig baie goed doen,
maar in ander dinge sal jy dalk nooit
uitblink nie, al probeer jy hoe hard.

Dit is net hoe God jou gemaak het.

Hier word dit nie van jou verwag om
iemand te wees wat jy nie is nie,

**maar jy gaan aangespoor word
om die beste te wees wat jy kan wees!**



Hoërskool Porterville
Kleinskooltjie : Grondslagfase

Volgende jaar is die begin van nog 'n opwindende skoolloopbaan, daarom verwelkom ons vroegtydig alle ouers en gr. I – leerders!

Skool begin in **2020** op **Dinsdag, 14 Januarie**, om **08:00**
by die **Kleinskooltjie**.

Indien die volgende nie by u kind se aansoek is nie, besorg dit so spoedig moontlik aan die skoolsekretaresse, Me. Glenda Verwey.

- Afskrif van:
 1. Kliniekkaart (verpligtend)
 2. Geboortesertifikaat (verpligtend)
 3. Mediesefondskaart (indien beskikbaar)

Graad I **Benodigdhede** - deur ouers aangekoop:

- potloodsakkie
 - liniaal (30 cm) (nie die buigbare soort asb.)
 - Skêr - (metaal en gemerk)
 - 2 buisies Pritt
 - Een metaal potloodskerpmaker met 2 gaatjies
 - 4 HB potlode Jumbo Triplus (beginnerspotlode, grys)
 - 4 HB potlode gewone dun (grys)
 - 1 pakkie inkleurpotlode Jumbo Triplus (beginnerspotlode)
 - 1 pakkie dun inkleurpotlode (pak van 12)
 - 1x Flip File A4 20 Bladsye Kangaroo
 - 1x Flip File A4 50 Bladsye Kangaroo
 - Stoelsak verkrygbaar by Waltons (45cm)
 - "Library book bag" Blou sak met rits (30x35). Verkrygbaar by Paper Den, Porterville
 - 1 x 2ℓ roomysbak
 - ou hemp of voorskoot
 - 'n klein handdoekie
 - 'n plastiek bekertjie
 - een boks tissues
 - een botteltjie vloeibare handewasseepp
 - Sagte wit uitveër
- met kort lussies aan, asb.



NB. Merk asb. al u kind se benodigdhede!

Skoolreëls

Ons vra dat alle ouers die skoolreëls soos in HSP-prospektus:

- aandagtig sal deurlees
- met hul kinders sal bespreek
- sal help toepas waar moontlik

Só verseker ons 'n veilige en netjiese omgewing, waar u kind saam met maats, baie gelukkige skooldae kan deurbring.

Sou u op enige stadium ongelukkig voel oor iets by die skool, rakende u kind of enige ander onderwerp, skakel ons asb. dadelik om 'n afspraak te maak:

Skool: 022 - 931 2174

I. Amptelike skooltye:

- I.1 Amptelike skoolure is: Ma. – Vr 07:30 tot 13:15
- I.2 Die skoolassistent, Mev. Johanna Victor, is vanaf 06:45 – 15:30 by die skool.
- I.3 Skoolhekke sal tydens dié skoolure gesluit wees om almal se veiligheid te verseker.
- I.4 Maak asb. seker dat u kind, u of die betrokke persoon wat u kind na skool kom haal, sien, wanneer hy/sy die klas verlaat. Kinders raak gou angstig as hulle hieroor onseker voel.
- I.5 Mev. Victor help leerders in die middag om die besige Bassonstraat, voor die skool, veilig oor te steek.
- I.6 Ons vra u om na die eerste 2 weke, die leerders by die hekkie te groet, sodat hulle onafhanklik sal instap na hul klassie en selfstandig kan optree. Onthou u kind is in die skool, hy/sy moet self haar/sy tas dra.

2. Pouses:

- 2.1 Eerste pouse: 09:30 – 10:00
- 2.2 Tweede pouse: 12:00 – 12:15
- 2.3 Kospakkies: Kleurmiddels en preserveermiddels in kos bevorder hiperaktiwiteit en aandagafleibaarheid en beïnvloed konsentrasie!
Help ons met die inpak van gesonde kospakkies en beperk asb. suiker- of soetgoed tot Vrydae. Navorsing het bewys dat kinders wat ontbyt eet, baie beter skolasties vaar!
- 2.4 'n Opvoeder is elke pouse op terreindiens om die veiligheid van ons kinders te verseker en toesig te hou.

3. Snoepie:

- 3.1 **Vrydae** is Snoepiedag! Kinders mag dan 'n geldjie bring en 'n soet dingetjie koop of inpak skool toe!
- 3.2 Ouers kan 'n vrywillige bydrae vir die Snoepie maak.
Kwartaal I Gr. 1A, Kw 2 Gr. 1B, Kw 3 Gr. 2, Kw 4 Gr. 3
- 3.3 Snoepiegeld wat verlore raak veroorsaak groot hartseer!
Help asb. u kind met 'n plan om Snoepiegeld veilig te bewaar.
Plaas geld in 'n beursie of gemerkte banksakkie.

4. Afwesighede:

- 4.1 Skakel asb. die sekretaresse en meld afwesigheid aan of stuur 'n briefie saam met u kind terug skool toe.
- 4.2 Siektes versprei vinnig. Hou asb. u kinders by die huis totdat alle siektetoestande opgeklar het.
- 4.3 Dit spyt ons, maar ons kan nie verantwoordelikheid neem vir die toedien van antibiotika en ander medikasie nie.
- 4.4 Ons kan egter pleisters plak en seer knieë en tone "dokter".
Hiervoor benodig ons **baie** voorraad en sal 'n vrywillige bydrae van pleisters, ontsmettingsmiddel, watte, gaas en salf vir wonde, baie waardeer!!!!
- 4.5 Indien 'n leerder meer as drie dae afwesig is, word 'n mediese sertifikaat vereis. **Mediese sertifikaat is verpligtend tydens afwesigheid met Formele Assessering.**

5. Kleredrag:

5.1 Kleredrag - 2020

Voorgeskrewe kleredrag is beskikbaar by Kaap-Agri.

Dogters:

Somerkwartale: Navy gholfhempie met geel piping, navy skort (romp/broekie), kort wit sokkies en wit tekkies of kaalvoet.

Winterkwartale: Navy gholfhempie met geel piping , kort wit sokkies en wit tekkies. Navy skoolsweetpak en/of navy warm windjakkie (windbreaker) en trui.

Seuns:

Somerkwartale: Navy gholfhempie met geel piping, navy kortbroek, kort wit sokkies en wit tekkies of kaalvoet

Winterkwartale: Navy gholfhempie met geel piping , kort wit sokkies en wit tekkies. Navy skoolsweetpak en/of navy warm windjakkie (windbreaker) en trui.

5.2 **Merk asb. alle klere en besittings, asook tekkies!!**

5.4 Verlore goedere word by Mev. Victor in die stoortjie langs die personeelkamer bewaar. Dit kan daar by haar opgeëis word. Merk ASSEBLIEF alle eiendom van die kind. Ongemerkte klere word aan die klerebank geskenk.

6. Skoolgelde:

- 6.1 By 'n Begrotingsvergadering gehou 21 Oktober 2019 is die **skoolfonds vir 2020 op R13 500 per leerder** goedgekeur.

OPSIE 1 (10 maande)

R1 350 vanaf Januarie tot Oktober

OPSIE 2 (11 maande)

R1 500 vir Januarie

EN

R1 200 vanaf Februarie tot November

Aftrekorders moet direk by die bank gereël word en die eerste betaling moet gedurende Januarie plaasvind. Die skool se bankbesonderhede vir ALLE betalings is as volg:

<i>Bank</i>	:	<i>ABSA, Porterville</i>
<i>Takkode</i>	:	<i>334407</i>
<i>Rekeningnommer</i>	:	<i>2100390046</i>
<i>Rekeningnaam</i>	:	<i>Hoërskool Porterville</i>
<i>Tipe Rekening</i>	:	<i>Tjekrekening</i>

- 6.2 Hierdie besluit is op alle ouers bindend. Die kriteria en prosedures vir aansoek om kwytskelding/gedeeltelike kwytskelding van skoolfonds, is by die skool verkrygbaar. Geen aansoek om vrystelling wat nie aan die voorskrifte voldoen, sal oorweeg word nie tensy die Beheerliggaam oortuig kan word van buitengewone omstandighede wat die nie-nakoming van die prosedure regverdig.

AANSOEKVORMS T.O.V. VRYSTELLING VAN SKOOLFONDS SAL VANAF 1 DESEMBER BY DIE FINANSIËLE KANTOOR BESIKBAAR WEES.

Baie dankie dat ons dit alles van u kan vra. Ons sien daarna uit om u en u kind te ontmoet!

Vriendelike groete

Mnr. W Engelbrecht
Skoolhoof